



**Claudii Fleurii Abbatis Historia Ecclesiastica**

Ab Anno Christi 1276 Usque Ad Annum 1312

**Fleury, Claude**

**August. Vind. [u.a.], 1766**

**VD18 90118251**

§. 64. Diploma pro Fratibus Mendicantibus.

---

[urn:nbn:de:hbz:466:1-67012](https://nbn-resolving.de/urn:nbn:de:hbz:466:1-67012)

tertium S. Francisci Ordinem amplexus Sæcul.XIIII.  
est. Præcipue ei lubebat se despectum A.C.1299.  
reddere: quo fine insanum se simulabat  
tam belle, ut reapse talis creditus, nec  
Jacobus postea, sed Jacoponus contem-  
ptim vocaretur. Sic annos decem tra-  
xit. Deinde vitam obedientiæ vinculo  
adstrictam tutiorem ratus, ut in primum  
S. Francisci Ordinem admitteretur, pe-  
tit. Sed voti non est damnatus nisi post  
experimenta grandia, & præsertim ob  
scriptum sapientissimum, quod de con-  
temptu rerum fluxarum composuerat,  
Tametsi litteratissimus, & Doctor erat,  
non fieri Sacerdos, sed frater laicus  
esse voluit.

¶ LXIV.

Diploma pro Fratribus Mendicantibus.

Hoc anno 1299 Papa Bonifacius con-  
troversias inter Clerum secularem  
ac Religiosos Mendicantes oriri solitas  
sublaturus sanctionem edidit, cuius hæc  
erat summa: Fratres Prædicatores Mino- Extrav.  
resque libere concionari poterunt in tem- comm. Sup.  
plis aut locis publicis extra horas, qui- cath 2. de se-  
bus locorum Præfules orationem fa- pult. Dubou-  
cram dicere aut coram se dici volent. lai to. 3. p. 545.  
Hoc illi pariter omittent in Universita-  
tibus

Sæcul. XIII.  
A. C. 1299.

tibus ea hora, qua sermo ad Clerum haberis solet, vel qua is Præpositi iussu conveniet. Non dicent ad populum in templis parochialibus, nisi a Parochis invitentur, aut copiam obtinuerint. In locis, ubi Fratres isti habent domicilium, eorum Præsides a Præsulibus demissi poscent, ut Fratribus feligendis liceat confessiones sacras audire: delectos illis sistent, ut hanc functionem in iplorum diœcesibus exercendi facultatem accipiant: & horum pœnitentiæ administrorum numerus accommodabitur ad numerum Cleri ac populi. Hunc eis permisum si denegent Præsules, nos danus per plenitudinem authoritatis nostræ non tamen ultra potestatem Parochis ex Jure propriam.

Fratres etiam suis in templis humare poterunt cunctos, qui hoc voluerint. Ne vero Parochi juribus fraudulentur suis volumus Fratres religione adstrictos esse ad tribuendum eis quadrantem omnium, quæ ob sepulturas receperint: sed plus exigere Parochi haud poterunt. Ceterum hortamur omnes Præsules ac Parochos, simulque præcipimus, ut ne difficiles se Fratribus istis exhibeant, sed e contrario charitatem erga eos ac liberalitatem ut exerceant. Hæc sanctio effectum a Papa speratum adeo non habuit, ut augeret dissidia.

§. LXV.